



Հարգելի՛ ընթերցող.

ԵՊՀ հայագիտական հետազոտությունների ինստիտուտը, չհետապնդելով որևէ եկամուտ, իր կայքերում ներկայացնելով հայագիտական հրատարակություններ, նպատակ ունի հանրությանն ավելի հասանելի դարձնել այդ ուսումնասիրությունները:

Մենք շնորհակալություն ենք հայտնում հայագիտական աշխատասիրությունների հեղինակներին, հրատարակիչներին:

Մեր կոնտակտները՝

Պաշտոնական կայք՝ <http://www.armin.am>

Էլ. փոստ՝ info@armin.am

ՔԱՐՈՋ

ԱՍՏՈՒԱԾԱԾՆԻ ՎԵՐԱՓՈԽՄԱՆ*

Ի ՀԱՅՐԱՊԵՏՈՒԹԵԱՆ
Տ. Տ. ԳԱՐԵԳՆԻ Ա
ՍՐԲԱԶՆԱԳՈՅՆ ԿԱԹՈՂԻԿՈՍԻ
ԱՄԵՆԱՅՆ
ՀԱՅՈՑ

«Պարտեզ փակուած եւ
աղբիւր կ'նքուած»¹:

ՀՐԱՄԱՆԱԻ
Տ. ՊԱՐԳԵԻԻ
ՍՐԲԱԶԱՆ ԵՊԻՍԿՈՊՈՍԻ
ԱՌԱԶՆՈՐԴԻՆ ԱՐՑԱԽԱՅ

Աստուած, Իր ձեռքով ստեղծելով ա-
նաջին մարդուն ըստ Իր պատկերի եւ նը-
մանութեան², նրան դրեց աստուածա-
տունկ դրախտի վայելչութեան մէջ՝ այն
մշակելու եւ պահելու համար³: Եւ զար-
դարելով տասներկու պարգեւներով՝ ամ-
բողջ երկրի տէր եւ իշխան կարգեց՝ ամէն
ինչ դնելով նրա ոտքերի տակ⁴:

Եւ Աստուծոյ կողմից Ադամին տրը-
ւած պարգեւներն էին՝ Աստուծոյ տեսու-
թիւնը, զրուցակցութիւնը Նրա հետ, ան-
մահութիւնը, լուսեղէն պատմունճանը, ան-

Սոյն խորոշաշարը հրատարակուած է

LINCY FOUNDATION-ի

ձեկէնատ-թեամբ

* Տե՛ս «Քարոջ Աստուածածնին փոխման» (Ս.
Գրիգոր Տաթևացի, Գիրք քարոզութեան, որ
կոչի Ամառան հատոր, Կ. Պոլիս, 1741, գլ. ԸՂ, Դ,
էջ 521): Ներկայացում է որոշ յայտումներով:

- 1 Երգ. Դ 12
- 2 Տե՛ս Ծճ. Ա 26:
- 3 Ծճ. Բ 15
- 4 Տե՛ս Սաղմ. Ը 7:

չարչարելի կեանքը, անծերանալի հասակը, անաշխատ դրախտի վայելչութիւնը, Աստուծոյ անմահ տունկերի մշակութիւնն ու պահպանութիւնը, Արարչի սէրը եւ գութը մարդու հանդէպ, քանի դեռ նա հնազանդ էր պատուիրանին, թագաւորութիւնը բոլոր արարածների վրայ, քահանայութիւնը եւ մարգարէութիւնը:

Այս տասներկու պարգէներից մեզ զրկեց առաջին կոյս Եւան: Նախ՝ Աստուծոյ տեսութիւնից, քանզի այլեւս չկարողացան տեսնել Նրան: Զրուցակցութիւնից, քանզի մինչեւ Յորդանան⁵ այլեւս չի ասում մարդկանց հետ Հայր Աստուծոյ խօսելու մասին: Անմահութիւնից, քանզի Տէրը վճիռ սահմանեց. «Հող էիր եւ դէպի հող կդառնաս»⁶: Լուսեղէն պատմունանից, քանզի երբ ճաշակեցին պտղից, գիտեցան, որ մերկ էին, եւ ծածկուեցին: Զրկուեցին նաեւ անչարչարելի կեանքից («Տրտմութեամբ եւ քրտինքով հաց ուտես»⁷), անծերանալի հասակից («Փուշ եւ տատասկ թող բուսնի քեզ»⁸), տունկերի մշակութիւնից եւ պահպանութիւնից («Որից պատուիրեցի քեզ չուտել, ար-

դեօք կերա՞ր նրանից»⁹), դրախտի վայելչութիւնից («Հանեց նրան եւ բնակեցրեց դրախտի վայելչութեան յանդիման»¹⁰), աստուծային սիրուց («Գուցէ նա իր ձեռքը մեկնի, քաղի կենաց ծառից, ոտի եւ անմահ դառնայ»¹¹): Ադամը կորցրեց նաեւ թագաւորութիւնը («Մարդը պատուի մէջ էր եւ շիմացաւ, հաւասարուեց անբան անասուններին»¹²) եւ քահանայութիւնը, քանզի այլեւս չյանդգնեց իր կեանքում պատարագ մատուցել: Իսկ մարգարէութիւնը լռեց, քանզի այլեւս ոչինչ չի գրուած նրա շնորհների մասին:

Հակառակ սրան, սուրբ Կոյս Մարիամը ոչ միայն արժանացաւ Աստուծոյ տեսութեանը հետուից¹³, այլեւ ինն ամիս իր արգանդում բնակեցրեց Աստուծոյ Որդուն: Եւ վերադարձրեց Աստուծոյ խօսքը լսելու շնորհը՝ աղամորդիներին Աստուծոյ որդիներ դարձնելով¹⁴, ինչպէս որ սկզբում Աստուծոյ անման էինք¹⁵: Լուսեղէն պատմունանի փոխանրէն Քրիստոսով զգեստաւորեց¹⁶ եւ Նրա հաւատարմով վերջնօրէն մեր կորցրած անմահութիւնը,

5 Այսինքն՝ մինչեւ Քրիստոսի Մկրտութեան պահը, երբ երկնքից լսուեց Հօր ձայնը. «Դա՛ է Իմ սիրելի Որդին, Որն ունի Իմ ամբողջ հաճութիւնը» [տե՛ս Մատթ. Գ 16-17]:

6 Ծճ. Գ 19

7 Տե՛ս Ծճ. Գ 17-19:

8 Ծճ. Գ 17

9 Ծճ. Գ 11

10 Տե՛ս Ծճ. Գ 24:

11 Ծճ. Գ 22

12 Սաղմ. ԽԸ 13, 21

13 Հմմտ. Սաղմ. ԸԼԷ 6, Ղուկ. Ա 35:

14 Տե՛ս Յովհ. Ա 12:

15 Տե՛ս Ծճ. Ա 26:

16 Տե՛ս Գաղ. Գ 27:

ինչպէս գրուած է. «Ով հաւատայ ինձ, կընդունի յաւիտեանական կեանքը եւ մահ չի տեսնի»¹⁷: Անցաւոր կեանքի փոխարէն այն կեանքը տուեց, որտեղից արտաքրսուած են ցաւերը, տրտմութիւններն ու հեծութիւնները¹⁸, իսկ անծերանալի հասակի փոխարէն՝ Քրիստոսի կատարելութեան հասակի չափը¹⁹: Դրախտի վայելչութեան փոխարէն տուեց այն, ինչ որ աչքը չտեսաւ, եւ ականջը չլսեց²⁰, եւ տունկերի պահպանութեան փոխարէն պարգեւեց Սուրբ Գրքի խորհուրդների վերծանութիւնը: Վերադարձրեց Աստուծոյ սէրը մեր հանդէպ, քանզի ոչ ոք չունի անելի մեծ սէր, քան այն, որ իր կեանքը տայ իր բարեկամների համար²¹, ինչպէս Քրիստոս արեց, նաեւ վերահաստատեց մարդու թագաւորութիւնը երկրի վրայ, քանզի Մարդու Որդուն են ծնրադրում բոլոր երկրայիններն ու երկնայինները²²: Վերընծայեց քահանայութիւնը՝ Քրիստոսի անարիւն Պատարագով՝ ըստ այնմ. «Այս արէ՛ք իմ յիշատակի համար»²³, եւ մարգարէութիւնը՝ ըստ գրուածի. «Վերջին օրերին իմ Հոգուց պիտի հեղեմ բոլոր մար-

միւնների վրայ, եւ ձեր որդիներն ու դուստրերը պիտի մարգարէանան»²⁴:

Այս բոլոր պարգեւները մեզ վերադարձրեց սուրբ Աստուածածինը իր Միածին Որդու կոյս եւ անապական ծննդեամբ եւ մեր պատիւը առաւել դարձրեց Ադամի եւ հրեշտակների պատուի համեմատ: Քանզի ոչ միայն մեզ տուեց Ադամի փառքը, որ նա ունէր դրախտում, այլեւ այն, ինչ Աստուած խոստացաւ նրան՝ երկրնքի արքայութիւնը:

Եւ այժմ սուրբ Եկեղեցին եւ հաւատացեալների հոգիներն առաւել պատուական են, քան Ադամը դրախտում: Քանզի Ադամը միւս բոլոր արարածների պէս արարուեց Աստուծոյ ձեռքով եւ խօսքով, մինչդեռ սուրբ Եկեղեցին Քրիստոսի մարդեղութեամբ, չարչարանքներով, մահուամբ եւ յարութեամբ սրբուեց: Ադամը մահուան եւ կեանքի միջասահմանում էր, իսկ հաւատացեալները, որ սրբուեցին աւազանի միջոցով, գրուեցին կենաց գրքում: Ադամը խոստումով ունէր երկնքի արքայութիւնը, իսկ արեամբ մկրտուածները նրան խոստացուած հանգիստը իրենց վաստակով ձեռք բերեցին, ինչպէս Քրիստոսի բոլոր մարտիրոսներն ու վկաները: Ադամին Աստուած ստեղծեց իր պատկերով եւ նմանութեամբ, իսկ մենք շնորհով եղանք

17 Տե՛ս Յովհ. 2 47, Ը 51:

18 Տե՛ս Ես. ԾԱ 11:

19 Տե՛ս Եփես. Դ 13:

20 Ա Կոր. Բ 9

21 Տե՛ս Յովհ. ԺԵ 13:

22 Հմմտ. Փլպ. Բ 10:

23 Դուկ. ԻԲ 19

24 Տե՛ս Յվ. Բ 28:

Աստուծոյ որդիներ եւ Քրիստոսի ժառանգակիցներ²⁵, որով առաւել ենք նրանից:

Եւ այս մեծ պատիւն ու փառքը մեզ տուեց Աստուածածին Կոյսն իր Միածին Որդիով: Եւ ոչ միայն այս, այլեւ մեզ հրեշտակների պատուից էլ վեր բարձրացրեց²⁶: Քանզի սուրբ Եկեղեցին Քրիստոսի Հարսն է եւ Նրա անդամը՝ ըստ գրուածի. «Մարմին ենք Նրա մարմնից եւ անդամներ՝ Նրա անդամներից»²⁷. Իսկ հրեշտակները Քրիստոսի ժառանգներն են: Նրանք երկրպագում են մեր Գլխին եւ սպասատրում մարդկանց, ինչպէս առաքելալն է ասում²⁸, իսկ մենք չենք երկրպագում ու սպասատրում հրեշտակներին, որովհետեւ նրանք ծառայակից են մեզ²⁹: Մենք հաղորդում ենք Քրիստոսի չարչարանքներին եւ փառքին³⁰, իսկ նրանք՝ ոչ, քանի որ չունեն մարմին, որ չարչարում է եւ փառատրում: Սուրբ Եկեղեցին առաքիւնութեամբ եւ ճգնութեամբ օրըստօրէ անելացնում է իր գոյացական վարձքը³¹, մինչդեռ հրեշտակներն այդ չեն կարող, այլ անփոփոխ են իրենց ունեցած պատուի մէջ:

25 Տե՛ս Յովհ. Ա. 12, Հոմ. Ը 15-17:

26 Հմմտ. Ա. Պետ. Ա. 12:

27 Տե՛ս Ա. Կոր. ԺԲ 27:

28 Տե՛ս Եբր. Ա. 14:

29 Հմմտ. Յայտ. ԻԲ 9:

30 Տե՛ս Հոմ. Ը 17:

31 Հմմտ. Ա. Պետ. Ա. 6-7, Հոմ. Ե 3-5, Յակ. Ա. 2-4:

Այսպէս սուրբ Եկեղեցին առաւել բարձրացաւ երկրում, քան հրեշտակները՝ երկնքում: Եւ այս բարձրութիւնն այժմ ունենք հաւատով, մահուանից յետոյ՝ հոգով, իսկ յարութիւնից յետոյ՝ հոգով եւ մարմնով՝ երկնքում: Եւ բոլոր այս մեծամեծ բարիքների եւ անասելի պարգեւների պատճառը եղաւ Կոյս Աստուածածինը, որը ծրուեց Միածին Որդուն սուրբ եւ անասպական ծնունդով:

Այս մասին է ասում Սողոմոն Իմաստունը. «Պարտէզ փակուած եւ աղբիւր կնքուած»³²: Եւ յայտնի է, որ այս խօսքը տարբեր իմաստներ ունի:

Նախ՝ աղբիւրը խորհրդանշում է մեր մտքի զօրութիւնը: Երբ յօժարական դէպի բարի գործն ենք շարժում, այնժամ այն կնքուած, այսինքն՝ փակուած է մեր մէջ, իսկ երբ յօժար ենք լինում չար խորհրդի, մեր մտքի աղբիւրը վատնում եւ դուրս է հոսում մտքի փշերի մէջ ու կորչում: Իսկ պարտէզ են կոչում մեր զանազան առաքիւնութիւնները՝ պահքը, աղօթքը, ողորմութիւնը եւ այլն, որոնցով հաճոյանում ենք Աստծուն եւ Նրա հրեշտակներին: Եւ այն փակուած է, որպէսզի չլինի կեղծ եւ իցոյց մարդկանց՝ համաձայն Քրիստոսի պատուիրանի. «Մտի՛ր քո սենեակը, փակի՛ր քո դռները եւ ծածո՛ւկ աղօթի՛ր, եւ քո

32 Եբզ. Գ 12

Հայրը, որ տեսնում է ծածկապէս, կհատուցի քեզ»³³: Փակելը նաեւ այն է, որ մեր հոգում սատանայի կողմից սերմանաժ մեղքի փուշը խլում, դուրս ենք նետում եւ չենք թողնում, որ այլեւս բուսնի մեզանում:

Երկրորդ՝ պարտէզ են մարմնի բարեքեր գգայութիւնները, քանզի աչքով բարին ենք տեսնում, ականջով՝ լսում, լեզուով՝ բարին խօսում եւ ձեռքով՝ բարին գործում: Պէտք է փակել սրանք չարի հանդէպ, որպէսզի սատանան բարի սերմերի վրայ որոմ չցանի, ինչպէս ասում է Տէրը. «Երբ մարդիկ քնած էին, եկաւ թընամսին եւ որոմ ցանեց բարի սերմերի վրայ»³⁴: Իսկ աղբիւր է խոհեմութիւնը, որն անհրաժեշտ է կնքել մեր ներսում, որպէսզի այն չպղտորուի չար խորհրդով ու ապականի մեզ, ինչպէս որ պարտէզն է ապականում, երբ պղտորում է աղբիւրի ակունքը: Այս մասին է Քրիստոս ասում, թէ սրտից են գալիս չարութեան, պոռկութեան, սպանութեան ու այլ խորհուրդները եւ պղծում մարդուն³⁵:

Երրորդ՝ պարտէզում շատ խտ ու ծաղիկ է աճում. մենք եւս պէտք է զանազան առաքինութիւններ ունենանք՝ հաւատ, յոյս, սէր, արիութիւն, արդարութիւն

եւ այլն, որոնց աղբիւրը Սուրբ Հոգու վարդապետութիւնն է: Սրանց համար փակ ու կնք են Օրէնքը եւ մարգարէները, որոնք չպէտք է խախտել, այլ ինչ որ պատուիրում են նրանք եւ սուրբ վարդապետները, պէտք է կատարել գործով եւ ուսուցանել, այլ ոչ թէ անկիրթ ու մտացածին բաներ խօսել ու գործել: Եւ պէտք է փակել ու կնքել, որպէսզի պարտէզի տէրը եւ նրա բարեկամները վայելեն այն, այլ ոչ թէ օտար խոզերը թաւալունն ու տրորեն:

Չորրորդ՝ պարտէզ է Քրիստոսի սուրբ Մարմինն ու Արիւնը, որը պէտք է փակել անարժանների դէմ եւ բանալ արժանատրների առջեւ՝ ըստ այս խօսքի. «Մի՛ տուէք սրբութիւնը շներին»³⁶: Իսկ աղբիւր է Աստուծոյ իմաստութիւնը եւ սուրբ Աւետարանը. պէտք է սրանք կնքել հաւատացեալների մէջ եւ մարգարիտները չզցել խոզաբարոների առաջ³⁷, որոնք ոտնակոխ են անում ու արհամարհում սուրբ գիտութիւնը:

Հինգերորդ՝ փակուած պարտէզ եւ կնքուած աղբիւր էր Աստուծոյ Բանի մարդեղութիւնը, քանզի ո՛չ հրեշտակները, ո՛չ էլ մարդիկ չեն կարող ճանաչել այն խորհուրդը, որը ծածկուած էր յաւիտեան-

33 Տե՛ս Մատթ. 2 6:

34 Մատթ. ԺԳ 25

35 Տե՛ս Մատթ. ԺԵ 19-20:

36 Մատթ. է 6

37 Տե՛ս Մատթ. է 6:

Անրից եւ ազգերից³⁸: Իսկ փակն ու կնիքը ցոյց է տալիս, որ Օրէնքում եւ մարգարեանքում այն ծածկապէս՝ օրինակներով ու նշաններով խայտնուեց, ինչպէս Մովսէսի տեսած անկէզ մորեմին³⁹, որը նախօրինակն էր սուրբ Կոյսի, եւ հրաշագործ գաւազանը⁴⁰, որ սուրբ խաչն էր խորհրդանշում, եւ կամ Աքրահամին ցոյց տրուած խոյը՝ կախուած ծառից⁴¹, որը նախապատկերն էր Քրիստոսի Պատարագի: Այսպէս եւ բոլոր մարգարեանքը օրինակով ու ծածկաբար խօսեցին:

Այժմ էլ Եկեղեցում կնքուած եւ փակուած է Քրիստոսի տնօրինութիւնը, քանզի օտարներից ու անարժաններից ծածկուած է Քրիստոսի գիտութիւնը, եւ այն զգուշօրէն ծածկուած ենք պահում մեր մէջ, քանզի գրուած է. «Իմ խորհուրդը ինձ եւ իւրայիններինս համար է»⁴²:

Վեցերորդ՝ փակուած պարտէզ է անանում սուրբ Մարիամ Աստուածածինը, ինչպէս Եղէմ դրախտը, որ հրեղէն սրով փակուեց անբան անասուններից ու շարերից⁴³: Այսպէս եւ սուրբ Կոյսն ամբացաւ ու պահուեց Սուրբ Հոգով, քանզի Արս

մէջ չկարողացան մուտք գործել չարի ո՛չ հոգեկան եւ ո՛չ էլ մարմնական խարդաւանքները: Եւ կնքուած աղբիւր է կոչում, որովհետեւ ջրհոր եղաւ Կենդանի Ջրի՝ բացուած միայն Աստուծոյ Բանի համար եւ կնքուած. այսինքն՝ Բանն Աստուած իջաւ կուսական արգանդը, ծնուեց մարմնով, եւ կուսութեան նշանը անխախտելի մնաց:

Այս պատճառով Սողոմոնը փակուած պարտէզ եւ կնքուած աղբիւր է անուանում Տիրամօրը: Քանզի նա իր կեանքի ընթացքում ամբողջովին՝ հոգով, մարմնով, մտքով եւ զգայութեամբ ամբացուած էր եւ կնքուած՝ չարի հանդէպ փակ մնալով:

Եւ սակայն այս խօսքն առաւել վերաբերում է Աստուածամօր վերափոխմանը, երբ բարիքներով լի պարտէզը եւ յորդանատ շնորհների աղբիւրը փակուեց ու կնքուեց գերեզմանում:

Եւ այս է պատմութիւնը:

Սուրբ Կոյս Մարիամը Յովակիմի եւ Աննայի դուստրն էր՝ թագաւորական ցեղից. հօր կողմից՝ Դաւթի ազգից, իսկ մօր կողմից՝ Ղեփի քահանայական ցեղից: Նա ամլութեան ծնունդ էր եւ իր ծնողներին տրուած անտիսի գաւազնը: Երեք տարեկան հասակում Մարիամին տարան սուրբ տաճար, ուր նա անքիծ աղանու պէս մնաց մինչեւ տասնչորս տարեկանը,

38 Կող. Ա 26

39 Տե՛ս Ել. Գ 2:

40 Տե՛ս Ել. Դ 3-4:

41 Տե՛ս Ծն. ԻԲ 13:

42 Տե՛ս Ես. ԻԴ 16:

43 Տե՛ս Ծն. Գ 24:

երբ յանձնուեց արդար ու պարկեշտ ծե-
րունի Յովսէփին: Եւ երեք ամիս յետոյ
Նազարէթում, Յովսէփի տանը, Գաբրիէլ
հրեշտակապետը ողջոյն տուեց նրան⁴⁴:
Եւ տասնհինգ տարեկանում ծնեց մարդա-
ցեալ Աստծուն՝ մեր Տէր Յիսուս Քրիստոս-
սին: Երեսուներեք տարի նա մնաց Փրկչի
հետ: Եւ խաչի վրայ Քրիստոս Իր Մօրը
յանձնեց կոյս Յովհաննէս անտարան-
չին⁴⁵, որը երկիրաւորեամբ սպասաւոր-
եց նրան տասներկու տարի: Այսպէս Տի-
րամօր կեանքը երկրի վրայ տեւեց վաթ-
սուն տարի: Եւ այստեղից հաւատացեալ-
ների մէջ սահմանուած է, որ տղամարդն
ամէն օր երեսունվեց ծնրադրութիւն անի
ի փառս Քրիստոսի (երեսուներեքը՝ ըստ
Կենարարի երկրային կեանքի տեւողու-
թեան, եւ երեքը՝ ի Դէմս Սուրբ Երրորդու-
թեան), իսկ կինը՝ վաթսուն՝ ի պատիւ եւ ի
բարեխօսութիւն սուրբ Աստուածածնի, որ
վաթսուն տարի ապրելով մարմնի մէջ՝
հոգով վերափոխուեց դէպի գերաշխար-
հայինների կայեանը՝ իր Արքայ Որդու եւ
մեր Աստուծոյ արքայութիւնը:

Եւ առաքեալները պատանեցին աստ-
ւածընկալ մարմինը եւ ջահերի ու լապ-
տերների ուղեկցութեամբ դրեցին գերեզ-
մանի մէջ՝ Գերսէմանիի «Ջահերի ձոր»
կոչուած տեղում: Եւ վերեւից լոյսի սիւն եւ

երկնային շող էր իջել նրա վրայ, որ բոլոր
տեսնողներին երեսում էր երեք օր շարու-
նակ: Եւ այդ լոյսին էին խառնուել հրեշ-
տակների զօրքերը, որոնք անճառելի ձայ-
նով գովերգում, օրհնում, մեծարում եւ
փառաւորում էին Տիրակիր Կոյսի մարմնի-
նը:

Եւ երրորդ օրը իր Միածին Որդու նը-
ման յարութիւն առնելով՝ երկնառաք լոյ-
սով եւ հրեշտակների դասերով Տիրամայ-
րը բարձրացաւ իր Արքայ Որդու արքայու-
թիւնը՝ անսպառ յաիտեանում ստանալով
անմահական թագաւորութիւնը, անցնելով
բոլոր զգալի եւ իմանալի աշխարհների
միջով ու հասնելով աստուածային խորա-
նին՝ սրբութիւն սրբոցին, վարագոյրի ներ-
քին կողմը, անճառելի փառքի եւ անվախ-
ճան պատուի մէջ՝ բարեխօսելու նրանց
համար, ովքեր իրեն Աստուածածին են
խոստովանում եւ իր Որդուն՝ ճշմարիտ
Աստուած: Որպէսզի ամենաարբունի Կոյ-
սի բարեխօսութեամբ, որի վերափոխման
յիշատակն է այսօր, մեզանից չհեռանայ
Տիրոջ անբովանդակելի շնորհը: Բանզի
ինչպէս որ Քրիստոս համբարձուեց աշա-
կերտների աչքի առջեւ եւ արդարեւ մեզ
հետ է բոլոր օրերում, ինչպէս եւ խոստա-
ցաւ. «Ես ձեզ հետ եմ բոլոր օրերում»⁴⁶,
նոյնպէս եւ իր Մայրը, համբարձուելով ու

44 Տե՛ս Լուկ. Ա. 26-35:

45 Տե՛ս Յովհ. Գ. 26-27:

46 Մատթ. Ի. Ը 20

երկինք փոխուելով, մեզ հետ է Քրիստոսից տրուած պարգևներով:

Սրա շնորհի հիւստամայրը անուամբ եւ ներգործութեամբ խաչի, եկեղեցու եւ իր սրբապատկերի մէջ է, իրեն Աստուածածին խոստովանողների հոգում, սրտում եւ շուրթերին: Ուստի ամէն տարի նոյն օրը ցնծութեամբ եւ հսկումով⁴⁷, պահքով եւ աղօթքով, օրհնութեամբ եւ հոգեւոր երգերով տօնում ենք Վերափոխումը: Ինչպէս այն օրը առաքելների դասն էր հրեշտակներով հանդերձ համահաւաքուած, այսօր էլ մենք ենք ուղեկցում Տիրամօր Վերափոխմանը՝ Աստուծոյ առատ պարգևներից մեր մէջ ընդունելով Նրա ներդաստութիւնը, քատութիւնը եւ մեղքերի թողութիւնը, ինչպէս նաեւ երկնաւոր Հօր որդեգրութեան պատիւը⁴⁸, եղբայրակցութիւնը Միածին Որդու հետ⁴⁹ եւ տաճարակցութիւնը Սուրբ Հոգուն⁵⁰, որով՝ աղաղակում ենք՝ Աբբա Հայր, եւ լինում ենք ժառանգներ Աստուծոյ եւ ժառանգակիցներ Քրիստոսին⁵¹:

47 Հսկում - նախատօնակի ցայգարաշուն, պահքը՝ տօնին նախորդող գիշերն արթնութեամբ եւ աղօթքով լուսացնելը:

48 Հմմտ. Հռոմ. Ը 15-17, Գաղ. Գ 6-7:

49 Հմմտ. Յովհ. Ի 17, Հռոմ. Ը 29:

50 Հմմտ. Ա Կոր. Գ 16, Զ 19, Բ Կոր. Զ 16, Եփես. Բ 21-22:

51 Յե՛ս Հռոմ. Ը 15-17:

Եւ ինչպէս Տէրը քաղցրացրեց մահւան դառնութիւնը՝ կամաւորաբար իբրեւ ուրախարար գինի ճաշակելով այն, այնպէս էլ իր Մօրը չխնայեց մահից, այլ իրեն մահակից ու գերեզմանակից դարձրեց նրան՝ կցորդելով իր համբարձմանը, դարձնելով հաղորդ իր Յարութեանը եւ ժառանգորդ իր փառքին:

Նոյնպէս եւ մեզ համար թող Տէրը դժուարինը դիւրին դարձնի, առապարը՝ հարթ ճանապարհ: Եւ թող առանց երկիւղի ու զարհուրանքի անցնենք երկնքի ներքոյ գտնուող չար դէտերի միջով՝ հայելով մեր Տիրոջը, Տիրամօրը եւ բոլոր սուրբերին:

Այլեւ ուղղափառ հաւատով, բարի գործով, Աստուծոյ եւ մարդկանց հանդէպ մաքուր սրտով դէպի Տէրը գնանք Աստծուն հաճոյ անմոլար ընթացքով՝ բարեխօս ունենալով կանանց մէջ օրհնեալ⁵² ամենասուրբ Աստուածածնին: Որպէսզի Աստուած խաղաղութիւն տայ աշխարհին, քրիստոնէսներին՝ միաբանութիւն, եկեղեցականների՝ բարեկարգութիւն եւ զգաստութիւն, աշխարհականներին՝ երկիւղ եւ հնազանդութիւն, անմեղներին՝ պահպանութիւն եւ փրկութիւն, մեղաւորներին՝ դարձ եւ ապաշխարութիւն, հարուստներին՝ ներողամտութիւն եւ ողոր-

52 Յե՛ս Դով. Ա 42:

մածութիւն աղքատների հանդէպ, նեղեալներին ու տնանկներին՝ համբերութիւն եւ ազատութիւն, գերեալներին՝ ազատ արձակում եւ խաղաղութիւն, օրին՝ բարեխառնութիւն եւ արտերին՝ պտղաբերութիւն. այլեւ ննջեցեալներին՝ հանգիստ ու ողորմութիւն՝ արժանացնելով յաիտեճական պսակի, եւ մեր երախտատրներին՝ բազմապատիկ փոխհատուցում:

Իսկ Աստուածածին Կոյսի մեծապայծառ, ջահատրուած տօնը տօնողներս ու երգեցողներս, այս քարոզն ընթերցողներն ու սրտի մտօք լսողները թող յիշուն Տիրոջ կողմից: Եւ Նրա քաութեան ու թողութեան շնորհիւ թող չյիշուն մեր մեղքերն ու յանցանքները, որ գործեցինք այս կեանքում խորհրդով ու խօսքով, մտքով եւ գործով, հոգով ու մարմնով, եւ թող լինի մաքրութիւն ու պայծառութիւն մեր Աստուած Յիսուս Քրիստոսի ողորմութեամբ եւ գթութեամբ, Որին փառք եւ զօրութիւն եւ իշխանութիւն, պատիւ եւ երկրպագութիւն Իր Հօր եւ Ամենասուրբ Հոգու հետ յաիտեճանս յաիտեճից. ամէն: